

四庫全書

史部

欽定四庫全書

史部

水經注集釋訂訛卷十五

詳校官監察御史

臣周元良

刑部郎中

臣

許兆椿覆勘

總校官原任中允

臣王燕緒

校對官中書

臣吳裕德

謄錄監生

臣沈瑞麟

謄錄舉人

臣蔣傳馨

欽定四庫全書

水經注集釋訂訛卷十五

歸安沈炳巽撰

洛水

伊水

瀍水

澗水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注于洛

胡云此別是一丹水非出冢嶺山東至析入鈞者也

明一統志丹水出商縣

竹山東流  
入河南界

洛水又東戶水注之

戶當作尸注同山海經尸水出尸山南流注于洛水

水北出戶山南流入洛

洛水又東得乳水

水北出良餘山南南注于洛

山海經良餘之山乳水出于其陽而東南流注

洛于

洛水又東會于龍餘之水

水出蟲

蟲當作蠱山海經蠱尾之山龍餘之水出焉而東南流注于洛

尾之山東流

入洛水又東至陽虛山合

宋本合下有于字

玄扈之水是也

又曰自鹿蹄之山以至玄扈之山

玄扈山在今西安府洛南縣西北一

百里洛水經縣北七里

凡九山玄扈亦山名也而通與謹舉為

九山之次焉故山海經曰此二山者洛間也是知玄

扈之水出于玄扈之山蓋山水兼受其目矣其水逕

于陽虛之下山海經曰陽虛之山臨于玄扈之水是

為洛汭也河圖玉板曰倉頡為帝

為帝宋本作隨帝蓋隨黃帝南巡狩

也南巡登陽虛之山臨于玄扈洛汭之水靈龜負書

丹甲青文以授之即于此水也又東歷清池山傍東合武里水水南出武里山東北流注于洛

洛水又東門水出焉

錐指門水東北歷陽華山又東北至靈寶縣入河山海經曰陽華之

山門水出焉北流于弘農澗

爾雅所謂洛別為派也洛水又東要水入焉水南出三要山東北逕拒陽城西而東北流入于洛洛水又東與獲水合水南出獲興

胡作興下同

山俗謂之備水也

東北逕獲興川世名之為却川東北流注于洛

洛水又東逕熊耳山北

元和志熊耳山在盧氏縣南五十里明一統志熊耳山在盧

氏縣西南五十里山連永寧界禹貢導河自熊耳即此又宜陽縣亦有熊耳山乃漢光武破赤眉積甲宜陽與

熊耳山齊是也又陝州東又有熊耳山是達摩葬處其塔猶存

禹貢所謂導洛至熊耳博物志曰洛出熊耳蓋開其

源者是也

禹貢錐指云以今輿地言之洛水出陝西西安府

商州西熊耳山東北流逕州東

商州在府東南三百里春秋晉上洛

邑漢又東北逕洛南縣北

洛南在州東北九十里本漢上洛縣地禹

貢所謂導洛自熊耳者也

東北過盧氏縣南

今屬河南府

洛水逕陽渠關北

陽渠水出南陽渠山即荀渠山也其水一源兩分川

流半解一水西北流屈而東北入于洛山海經曰熊

耳之山浮豪之水出焉西北流注于洛疑即是水也

荀渠山蓋熊耳之殊稱若太行之歸山也故地說曰

熊耳之山地門也

按今盧氏縣西南五十里有熊耳山東聯永寧南接內鄉縣山在縣

東南百里一名閭頓嶺伊洛水出其間是亦總名矣

水所出漢志亦謂之熊耳



其一水東北逕陽渠城西故關城也其水東北流注

于洛

洛水又東逕盧氏縣故城南

城今在縣東

竹書紀年晉出公十九年晉韓龍氏城

按竹書紀年作晉韓龐取

秦武城此云晉韓龍氏城誤

王莽之昌富也有盧氏川水注之水

北出盧氏山東南流逕盧氏城東而流注于洛水又

東

上下疑有脫文譌字

龍翼合三川並出縣之南山東北注洛

開山圖曰盧氏山宜五穀可避水災亦通謂之石城

山山在宜陽山西南千名之山咸處其內陵阜原險  
易以度身者也又有葛蔓谷水自南山流注洛水洛  
水又東逕高門城南在今盧氏縣東即宋書所謂後軍外兵  
龐季明入盧氏進達高門水城者也

洛水東與高門水合

水出北山東南流合洛水枝津水上承洛水東北流  
逕石勒城北又東逕高門城北東入高門水亂流南  
注洛

洛水又東松楊溪水注之

今永寧縣西六十里有松陽關當與溪相近

水出松楊山北流注于洛洛水又東逕黃亭南又東

合黃亭溪水水出鷓鴣山有二峯

在今永寧縣西八十里

峻極

于天高崖雲舉亢石無階猿徒喪其捷巧鼉族窮

宋本

謝作其輕工及其長霄冒鎮

疑訛一作嶺顛一作嶺

層霞冠峯方乃

宋本作可就辨優劣耳故有大小鷓鴣之名矣溪水東南

流歷亭下謂之黃亭溪水而

宋本作又

東南入于洛水洛

水又東得荀公漢

朱本作澗錐指作溪

口水出南山荀澗即龐

季明所入荀公谷

今在永寧縣西南

者也其水歷谷東北流

注于洛水洛水又東逕檀山南其山四絕孤峙山上

有塢聚俗謂之檀山塢義熙中劉公西入長安舟師

所屈次于洛陽命叅將戴延之

古無叅將之官疑當作叅軍

與府

舍人虞道元即舟溯流窮覽洛川欲知水軍可至之

處延之屈此而返竟不達其源也

洛水又東庫谷水注之

水自宜陽山南三川並發合為一溪東北流注于洛

洛水又東得鵜鵠水口水發北鵜鵠澗東南流入于

洛洛水又逕僕谷亭北左合北水水出北山東南流

注于洛洛水又東侯谷水出南山北流入于洛洛水

又東逕龍驤城北

在永寧縣西四十里

龍驤將軍王鎮惡從劉

公西入長安陸徑所由故城得其名洛水又東左合

宜陽北山水水自北溪南流注洛洛水又東廣由澗

水注之水出南山由溪北溪

當作流

逕龍驤城東而北

流入于洛洛水又東右得直谷水水出南山北逕屯

城西北流注于洛水也

又東北過蠡城邑之南

在今澠池縣西四十里今永寧縣西有洛水廢縣即故蠡城

也

城西塢水出北四里山上原高二十五丈故澠池縣

治南對金門塢水南五里舊宜陽縣治也洛水右會

金門溪水水南出金門山

在今宜陽縣西六十里

北逕金門塢

西北流入于洛洛水又東合欵水有二源並發而川

疑記宋本作兩川

逕引謂之大欵水也合而東南入于洛洛

水又東黍良

胡作良

谷水入焉南出金門山開山圖曰

山出

上下疑有訛

多重固在韓建武二年強弩偏將軍陳

俊轉擊金門白馬皆破之即此也而東北流注于洛

洛水又東左合北溪南流入于洛水也

又東過陽市邑南又東北過于父邑之南

太陰谷水南出太陰溪北流注于洛洛水又東合白

馬溪水出宜陽山澗有太

當作大

石厥狀似馬故溪澗

以物色受名也溪水又東北流注于洛洛水又東有

昌澗水注之水出西北宜陽山而東南流逕宜陽故郡南舊陽市邑也故洛陽都典農治此後改為郡其水又東注于洛洛水又東逕一合塢南城在川北原

上高二十丈

按晉書一泉塢在宜陽縣西南洛水北原上即此

南北東三箱

天嶮峭絕唯築西面即為合固一合之名起于是矣劉曜之將攻河南也晉將軍魏該奔于此故于父邑也洛水又東合杜楊澗水水出西北杜楊溪東南逕一合塢東與槃谷水合亂流東南入洛



洛水又東合渠谷

谷下當有水字

水出宜陽縣南女几山

在宜陽縣九十里

東北流逕雲中塢

其山迨帶層峻流烟半垂纓帶山阜故塢受其名水

疑又東北入洛水臧榮緒晉書稱孫登嘗經宜陽山

作炭人見之與語登不應作炭者覺其精神非常咸共傳說太祖聞之使阮籍往觀與語亦不應籍因大嘯登笑曰復作向聲又為嘯求與俱出登不肯籍因別去登上峰行且嘯如簫韶笙簧之音聲振山谷籍

怪而問作炭人作炭人曰故是向人聲籍更求之不知所止推問久之乃知姓名余按孫綽之叙高士傳言在蘇門山又別作登傳孫盛魏春秋亦言在蘇門山又不列姓名阮嗣宗感之著丈人先生論言吾不知其人即一作既神遊自得一作既不與物交阮氏尚不能動其英操復不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山

不與禹貢導洛自熊耳同也昔漢光武破赤眉樊崇

積甲仗與熊耳平即是山也

元和志熊耳山在永寧縣東北四十里今在宜

陽縣西南一百里

山際有池池水東南流水側有一池世謂

之澠池矣又東南逕宜陽縣故城西謂之西度水又

東南流入于洛

洛水又東逕宜陽縣故城南

城今在宜陽縣東北十四里

秦武王以甘茂為左丞相曰寡人欲通三川窺周室死不朽矣茂請約魏以攻韓斬首六萬遂拔宜陽城

故韓地也後乃縣之漢哀帝封息夫躬為侯國

按漢表及

傳息夫躬封定陵侯今云宜陽所未詳也

城之西門赤睂樊崇與盆子及

大將等奉璽綬劍璧處世祖不即見明日陳兵于洛

水見盆子等謂盆子丞相徐宣曰不悔乎宣曰不悔

上嘆曰卿傭中皦皦鐵中錚錚也

後漢書劉盆子傳帝幸宜陽盛兵以

邀其走路赤睂忽遇大軍驚震不知所為樊崇將盆子及丞相徐宣以下三十餘人肉袒降上所得傳國璽綬更始七尺寶劍及玉璧各一積兵宜陽城西與熊耳山齊帝謂崇等曰得無悔降乎宣等叩頭曰臣等出長安東都門君臣計議歸命聖德今日得降猶去虎口歸慈母誠歡誠喜無所恨也帝曰卿所謂鐵

中錚錚傭中  
佼佼者也

洛水又東與厭梁之水合水出縣北傳

一作傳

山大陂山無草木其水自陂北流屈而東南注

世謂之五延水又東南流逕宜陽縣故城東東南流  
注于洛洛水又東南黃中澗水出北阜二源奇發總  
成一川東流注于洛洛水又東祿泉注之其水近出  
北溪洛水又東共水入焉水北出長石之山山無草  
木其西有谷焉厥名共谷共水出焉南流得尹溪口  
水出西北尹谷東南注之其水又與西南左澗水會

水東出近川西流注于共水共水又南與李谷

疑谷下脫

水合

字水出西北李溪東南注蓁水蓁水發源蓁谷西

南流與李谷水合而西南流入共水共水世謂石頭

泉而南流注于洛洛水又東黑澗水南出陸渾西山

疑當作洛水又東合黑澗水水南出陸渾  
西山黑澗水在今宜陽縣東北二十里

歷于黑澗

西北入洛洛水又東臨亭川水注之水出西北近溪

東南與湖長澗水會水出北山南入臨亭水又東南

歷九曲西而南入洛水也

又東北出散關南

洛水東逕九曲南

今宜陽縣東三十里有九曲城

其地十里有坂九

曲穆天子傳所謂天子西征升于九阿此是也

郭注云今

西安縣十里九坂也

洛水又東與豪水會

元和志壽安縣洛水自福昌縣東流入壽

安今為宜陽縣地豪水在縣東

水出新安縣密山南流歷九曲東而

南流入于洛洛水之側有石墨山山石盡黑可以書

疏故以石墨名山矣

洛水又東枝瀆左出焉

東出關絕惠水又逕清女冢南冢在北山上耆舊傳云斯女清貞秀古跡表來今矣故瀆又東逕周山上有周靈王冢皇覽曰周靈王葬于河南城西南周山上蓋以王生而神故諡曰靈其冢人祠之不絕又東北逕柏亭南皇覽曰周山在柏亭西謂斯亭也又東北逕三王陵東北出焉三王或言周景王悼王定王也魏司徒公崔浩注西征賦云定當為敬子朝作難西周政弱人荒悼敬二王與景王俱葬于此故世以



三王名陵

朱云潘岳西征賦云洛景悼以迄旬政凌遲而彌季崔時所傳或作定悼故云定當

作景傳寫者又誤以景作敬耳敬王名句安得疊言之理乎

帝王世記曰景王葬

于翟泉今洛陽太倉中大冢是也而復傳言在此所未詳矣又悼敬二王稽諸史傳復無葬處今陵東有石碑錄赧王以上世王名號考之碑記周墓明矣故瀆東北歷制鄉逕河南縣王城西歷邾鄆陌杜預釋地曰縣西有邾鄆陌謂此也故瀆又北入穀蓋經始周啟瀆久廢不修矣洛水自枝瀆又東出關惠水右

注之世謂之八關水戴延之西征記謂之八關澤即  
經所謂散關郭自南山橫洛水北屬于河皆關塞也  
即楊僕家僮所築矣惠水出白石山之陽東南流與  
瞻水合水東出婁冢之山而南流入惠水惠水又東  
南謝水山海經作澍水注云音謝北出瞻諸之山東南流又有交  
觸之水北出廐山南流俱合惠水惠水又南流逕關  
北城二十里者也其城西岨塞垣東抗惠水靈帝中  
平元年以河南尹何進為大將軍疑漏將字五營士屯都

亭置函谷關

疑

廣城伊闕大谷轅轅旋門平津孟津

等八關都尉官治此

後漢書靈帝紀中平元年以河南尹何進為大將軍將兵屯都

亭置八關都尉官注云都亭在洛陽八關謂函谷廣城伊闕大谷轅轅旋門小平津孟津也

八關城今

在新安縣東北函谷舊關在靈寶縣南一十里新關在新安縣東二里老聃西度田丈東出皆舊關新關乃漢船樓將軍楊僕有大功恥為關外人函谷為之首上書乞以家財東徙關武帝為移于此

在八關之限故世人總其統目有八關之名矣其水

又南流入于洛水山海經曰白石之山惠水出其陽

而南流注于洛謂是水也洛水又與虢水會水出林

楮

宋本作褚

之山

山海經扶豬之山號水出焉而北流注于洛

北流注于洛水

之南則鹿蹄之山也世謂之

下疑有脫文

非也

宋本作非山

其

山陰則峻絕百仞陽則原阜隆平甘水發于東麓北流注于洛水也

又東北過河南縣南

今河南府城西有河南縣故城

周書稱周公將致政乃作大邑成周于中土南繫于洛水北因于邾山以為天下之大湊孝經援神契曰八方之廣周洛為中謂之洛邑竹書紀年晉定公二

十年洛絕于周魏襄王九

九下當有年字

洛入城

當作周

山

水大出南有甘洛城郡國志曰所謂甘城也地記曰洛水東北過五零倍尾北與澗瀍合是二水東入千金渠故瀆存焉

禹貢錐指曰以今輿地言之洛水自洛陽縣北又東逕河南府盧氏縣南

縣在府西南三百四十里

又東北逕永

寧縣南

縣在府西南二百里

又東北逕宜陽縣北

縣在府西南七十里

又東入洛陽縣界逕河南故城南經所謂又東會

于瀍澗也自周靈王壅穀水使東出王城北合瀍水南入洛而城西之澗水遂為死穀及漢明帝復堽澗瀍二水使出洛陽故城北為千金渠又東過偃師縣東入于洛

偃師在府東七十里

而禹貢東會瀍澗之舊迹無復存焉者矣

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟洛食其城方七百二十丈南繫于洛水北因于邙山

以為天下之湊方六百里因西為千里春秋昭公二十三年晉合諸侯大夫戍成周之城故亦曰成周也遷自序云太史公留滯周南摯仲注曰古之周南今之洛陽漢高祖始欲都之感婁敬之言不日而駕行矣屬光武中興定居洛邑逮于魏晉咸兩宅焉故魏畧曰漢火行忌水故去其水而加佳魏為土德土水之牡也水得土而流土得水而柔除佳加水

除原本  
訛作陰

長沙耆舊傳曰祝良字名卿為洛陽令歲時亢旱天

子祈雨不得良乃曝身階庭告誠引罪自晨至午紫雲沓起甘雨登降人為歌曰天久不雨烝人失所天王自出祝令特苦精符感應滂沱下雨則縣司及河南尹治司隸周官也漢武帝使領徒隸董督京畿因

名司州焉

按司州乃曹魏時所置漢志無司州之名今云漢武恐誤晉書地理志云司州為禹

貢豫州之地漢武帝初置司隸校尉所部三輔三河諸郡光武都雒陽司隸所部與前漢不異魏氏受禪即都漢宮司隸所部河南河東河內弘農并冀州之平陽合五郡置司州晉仍居魏都乃以三輔還屬雍州分河南立滎陽分雍州之京兆立上洛廢地記曰東郡立頓丘遂定名司州以司隸校尉統之



洛水東入于中提山間東流會于伊是也昔黃帝之

時天大霧三日帝遊洛水之上見大魚鯀五牲以醺

之天乃甚雨七日七夜魚流始得圖書今河圖視萌

篇是也

黃帝得圖書事見帝王世紀

昔王子晉好吹鳳笙招延與

道士浮丘同遊伊洛之浦

王子晉浮丘事見列仙傳

含始又受玉

雞之儒

衍瑞于此水

帝王世紀曰漢高帝母曰含始遊于洛池有玉雞銜赤珠出刻

曰玉英吞此者王含始吞之而生帝也

亦洛神宓妃之所在也洛水又

東合水南出半石之山北逕今

疑作合

水塢而東北流

注于公路澗

公路袁街字也

但世俗音訛號之曰光祿澗非

也上有袁術固

今在偃師縣西南三十五里術置此固四周絕澗可容十萬人一夫守隘

千夫莫當

四周絕澗迢遞百仞廣四五里有一水淵而不

流故溪澗即其名也合水北與劉水合水出半石東  
山西北流于劉聚三面臨澗在緱氏西南周畿內劉  
子國故謂之劉澗其水西北流注于合水合水又北  
流注于洛水也

又東過偃師縣南

今偃師縣即偃師故城古西亳也

洛水東逕計素渚中朝時百國貢計所頓故渚得其

名又東逕偃師故縣南與緱氏分水

今偃師縣南二十里有緱氏故

城又東休水自南注之其水導源少室山西流逕穴

山南而北與少室山

疑當作水

合水出少室北溪西南流

注休水休水又左會南溪水發大穴南山北流入休

水休水又西南北屈潛流地下其故瀆北屈出峽謂

之大穴口北歷覆釜堆東蓋以物象受名矣又東屈

零星塢水流潛通重源又發側緱氏原開山圖謂之

緱氏山也亦云仙者昇焉言王子晉控鶴斯阜靈王望而不得近舉手謝而去其家得遺屐俗亦謂之為撫父堆堆上有子晉祠或言在九山非此世代已遠矣莫能辨之劉向列仙傳云世有簫管之聲焉休水又逕延壽城南緱氏縣治故滑費春秋滑國所都也王莽更名中亭即緱氏城也城有仙人祠謂之仙人觀休水又西轉北屈逕其城西水之西南有司空密

陵光

當作元

侯鄭

漏衮字

廟碑文缺不可復識

按晉書鄭衮位司空封密

陵侯諡曰元此云密陵光侯鄭  
廟蓋祀元為光而漏衮字耳

又有晉城門校尉昌

原恭侯鄭仲林碑晉皇始

按晉無皇始年號豈是泰始

六年立休

水又北流注于洛水洛水又東逕百谷塢北戴延之

西征記曰塢在川南因而

宋本作高

為塢高一十餘丈劉

武王西入長安舟師所堡也

洛水又北陽渠水注之

今偃師縣南有通濟渠故陽渠也隋時常修導之名曰通濟

竹書紀年晉襄公六年洛絕于洶即此處也洛水又

北逕偃師城東東北歷鄆中水南謂之南鄆中水之

南鄠亦曰上鄠也逕訾城西司馬彪所謂訾聚也而  
鄠水注之水出北山鄠溪其水南流世謂之溫水泉  
水側有重童一作人穴穴中有僵尸戴延之從劉武王  
西征記曰有此尸尸今猶在夫物無不化之理魂無  
不遷之道而此尸無神識事同木偶之狀喻其推移  
未若正形之連遷矣宋本作連遷亦猶檀弓死欲速朽之意鄠水又東  
南于訾城西北東入洛水故京相璠曰今鞏洛渡北  
有鄠谷水東入洛謂之下鄠故有上鄠下鄠之名亦

謂之北鄆于是有南鄆北鄆之稱矣又有鄆城盖周

大夫鄆肸之舊邑

左傳昭公二十二年王室亂王如平時次于皇鄆肸伐皇大敗獲鄆

肸楚之王城之市

洛水又東逕訾城北又東羅水注之

訾城在今鞏縣西南四十里

出方山羅川西北流蒲池水注之水出南蒲陂西北

流合羅水謂之長川羅亦曰羅中也盖肸子鄆羅之

宿居故川得其名耳

左傳昭公二十三年王子朝入于王朝鄆羅納之莊宮注云鄆

羅周大夫鄆肸之子也

羅水又西北白馬溪水注之水出崧山

北麓逕白馬塢東而北入羅水西北流白相澗水注  
之水出嵩麓桐溪北流逕九山東又北九山東溪水  
入焉水出百稱山東谷其山孤峰秀出巉嶢分立仲長  
統曰昔密有卜城者身遊九山之上放心不拘之境

謂是山也山際有九山廟廟前有碑云九顯靈

宋本作靈

府君者太華之元子陽九列名號曰九山府君也南

據崧岳北帶洛澁晉元康二年九月太歲庚午

朱云按世

譜晉惠帝元康二年太歲在壬子而用歷經推之是年九月乙亥朔無庚午日也

帝遣殿中



中郎將關內侯樊廣維氏令王與傳演

朱本作維氏令王與主簿

傳奉宣詔命興立廟殿焉又有百蟲將軍顯靈碑碑

云將軍姓伊氏諱益字隤散帝高陽之第二子伯益

者也

朱云史記秦本紀顓頊之裔孫大業生大費佐舜調馴鳥獸是為伯翳索隱曰伯翳即尚書之

伯益列女傳云皋子五歲而贊禹曹大家注云皋子者皋陶之子伯益也此碑謂益字隤散帝高陽之第二子與史記異左傳所記隤散庭堅並高陽氏之子杜注又云皋陶字庭堅則父子同在八愷之中不應並時而

舉也

晉元康五年七月七日順人吳義等建立堂

廟永平元年二月二十日

按晉書惠帝紀先永平而後元康豈有元康五年立

廟永平元年刻石之理乎惟後魏南安王及世宗俱有永平之號此又在劉宋之世相去已遠不應立廟在晉時刻石在宋世所未詳也刻石立頌贊示後賢矣其水東北流

入白相澗又北逕袁公塢東盖公路始固

二字疑有訛誤有

此也故有袁公之名矣北流注于羅水羅水又西北

逕袁公塢北又西北逕潘岳子父

疑當作父子

墓

疑漏墓字

前

有碑岳父茆瑯琊太守碑石破落文字缺敗岳碑題

云給事黃門侍郎潘君之碑碑云君遇孫秀之難闔

門受禍故門生感覆醢以增慟乃樹碑以記事大常

潘尼之辭也羅水又于訾城東北入于洛水也

又東北過鞏縣東又北入于河

洛水又東明樂泉注之水出南原下三泉並導故世

謂之五道泉即古明溪泉也春秋昭公二十二年師

次于明溪者也洛水又東逕鞏縣故城南

城在今縣西南三十

里東周所居也本周之畿內鞏伯國也春秋左傳所

謂尹文父

公一作

涉于鞏即于此矣洛水又東濁水注

之即古湟水也水出南原京相璠曰訾城北三里有

黃亭即此亭也春秋所謂次于黃者也

按郡國志鞏縣有黃亭有

湟水春秋昭公二十三年劉子單子以王猛居于湟杜預曰即黃亭在縣西北

洛水又東北

洞水發南溪石泉世亦名之為石泉也京相璠曰鞏

東地名坎飲在洞水東疑即此水也

按今鞏縣東南二十里有石子

河即此水也

又逕盤谷塢東世又名之曰鹽谷水司馬彪

郡國志鞏有坎飲聚春秋僖公二十四年王出及坎

飲服虔亦以為鞏東邑名也今考厥文若狀焉而不

能精辨耳晉太康地記晉書地道記並言在鞏西非

也其水又北入洛

洛水又東北流入于河

山海經曰洛水成臯西入河是也謂之洛汭

劉昭曰洛汭在

鞏縣界北三十里

即什谷也故張儀說秦曰下兵三川塞什

谷之口謂此川也史記音義曰鞏縣有鄆谷水者也

史記張儀傳儀說秦曰下兵三川塞斜谷之口當屯留之道徐廣音義曰斜一作尋成臯鞏縣有尋口

黃帝東巡河過洛修壇沉璧受龍圖于河龜書于洛

赤文篆字堯帝又循壇河洛擇良議沈

循壇河洛擇良議沈有考

在第五卷河水又東  
東渭水入焉下

榮光出河休氣四塞白雲起迴風

逝赤文綠色廣袤九尺負理平上有列星之分什政之度帝王錄記興亡之數以授之又東沈書于日稷

赤光起玄龜負書背甲赤文成字遂禪于舜

朱本引尚書中

候云黃帝東巡河過洛修壇沈璧受龍圖于河龜書于洛赤文綠地廣袤九尺負理平上有列星之分也七政之度帝王錄記興亡之數以授之堯帝又修壇河洛昧爽禮備榮光出河休氣四塞白雲起迴風搖又東沈璧于洛日稷赤光起元龜負書背甲赤文成字遂禪于舜

舜又習堯祀沈書

于日稷赤光起玄龜負書至于稷下榮光休至黃龍

卷甲書

宋本  
作舒

圖壇畔赤文綠錯以授舜舜以禪禹殷

湯東觀于洛習禮堯壇降璧三沈榮光不起黃鳥雙

躍出濟于壇黑鳥以洛

朱本  
作洛

隨魚亦上化為黑玉赤

勒之書黑龜赤文之題也

朱本引尚書中候云降三分沈璧退立榮光不起黃

魚雙躍出濟于壇黑  
鳥以雄隨魚亦止

湯以伐桀故春秋說題辭曰河

以道坤出天苞洛以流川吐地符王者沈禮焉竹書

紀年曰洛伯用與河伯馮夷鬪蓋洛水之神也昔夏

太康失政為羿所逐其昆弟五人須于洛汭作五子

之歌于是地矣

元和志輦縣洛水東經洛汭北對瑯邪渚入河謂之洛口

伊水出南陽縣

今屬河南南陽府

西蔓渠山

山海經曰蔓渠之山伊水出焉淮南子曰伊水出上

魏山地理志曰出熊耳山即麓大同陵巒互別耳水

自熊耳東北逕鸞川亭北茲水出茲山北流際其城

東而北入伊水世人謂伊水為鸞水茲水為交水故

名斯川為鸞川也又東為淵潭潭渾若沸亦不測其

深淺也伊水又東北逕東亭城南又屈逕其亭東東



宋本作北  
流者也

禹貢錐指云蔓渠山在今盧氏縣東南蓋即熊耳  
之支峯也括地志云伊水出盧氏縣東嶽山一名  
悶頓嶺今在縣東南百六十里元和志云伊水出  
鸞掌山疑即是嶽山參考諸書伊水出盧氏縣熊  
耳山審矣縣志云熊耳雖有伊源之名而無流衍  
之迹其實出于悶頓嶺之陽豈知古熊耳山盤基  
甚廣即悶頓亦熊耳乎酈注所謂即麓大同陵嶽

互別兩言盡之矣

東北過郭落山

陽水出陽山陽溪世人謂之太陽谷水亦取名焉東

流

山海經  
作北

入伊水伊水又東北鮮水入焉水出鮮山

北流注于伊尹

疑作  
伊

水又與蠻水合水出盧氏縣之

蠻谷東流入于伊

又東北過陸渾縣南

今為河南  
府嵩縣

山海經曰瀟瀟之水出于釐山南流注于伊水今水

出陸渾縣之西南王母澗澗北山上有王母祠故世  
因以名溪東流注于伊水即瀟瀟之水也伊水歷崖  
口山峽也翼崖深高壁立若闕崖上有塢伊水逕其  
下歷峽北流即古三塗山也杜預釋地曰山在縣南  
闕駟十三州志云山在東南今是山在陸渾故城東  
南八十許里春秋昭公四年司馬侯曰四嶽三塗陽  
城太室荆山中南九州之險也服虔曰三塗太行轅  
轅嶠鼂非南望京相璠之著春秋地名亦云山名也

以服氏之言云塗道也準周書南望之文復言宜為輾轉大道伊闕皆為非也春秋晉伐陸渾請有事于

三塗知是山明矣有七谷水注之水西出女桃山

當從

宋本作女机山下同女机山在今宜陽縣西九十里

之南七溪山上有西王母

祠東南流注于伊水又北蚤谷水注之水出女机山之東谷東逕故亭南東流又于伊水伊水又東北逕伏流嶺東嶺上有崐崙祠民猶祈焉劉澄之永初記稱陸渾縣西有伏流坂者也今山在縣南崖口北三

十里許西則非也

今嵩縣北有伏流城

北與溫泉水合水出新

城縣之狼臯山之西南阜下西南流會于伊水伊水

又東北逕伏睹嶺左納焦澗水水西出鹿鬬山東流

孤山

宋本作孤山

南其山界立豐上單秀孤峙故世謂之

方山

明一統志陸渾山一名方山在嵩縣東北四十里

即劉中書澄之所謂

縣有孤山者也東歷伏睹嶺南東流注于伊伊水又

東北涓水注之水出陸渾西山即陸渾山

疑作水

者也

尋郭文之故居訪胡昭之遺像世去不停莫識所在

晉書隱逸傳郭文大字丈舉河內軹人也少愛山水尚  
嘉遯父母終服畢不娶辭遊名山歷華陰之崖以  
觀石室之石函洛陽陷乃步擔入吳興餘杭大僻山  
中窮谷無人之地而居焉魏志胡昭字孔明養志  
不仕居陸渾山中躬耕樂道以經籍自娛寇賊到陸  
渾自相約誓言胡居士賢者也一不得犯其部落一  
川賴昭咸其水有二源俱導而東注虢畧在陸渾縣  
無悒悒

西九十里也司馬彪郡國志曰縣西虢畧池春秋所  
謂東盡于虢畧者也北水東流合侯澗水澗出西北  
侯溪東南流注于涓水涓水又東逕陸渾縣故城北  
平王東遷辛有適伊川見有被髮而祭于野者曰不

及百年此其戎乎魯僖公二十二年春晉遷陸渾之

戎于伊川故縣氏之也渭水東南流左合南水水出

西山七谷亦謂之七谷水祖

疑說

澗東逝歷其縣南又

東南左會北水亂流左合禪渚渚水上承陸渾縣東

禪渚渚左原上陂方十里佳饒魚葦

一作葦

即山海經

所謂南望禪渚禹父之所化郭景純注云禪一音暖

絲化羽淵而復在此然已變怪亦無往而不化矣

山海

經青要之山實維帝之密都北望河曲是多駕鳥南望

堦渚禹父之所化

郭景純注云堦音填

絲化于羽

金史卷之八  
淵為黃熊今復云在此然則一已  
有變怪之性者亦無往而不化  
世謂此澤為慎望

陂陂水南流注于涓陽水涓陽水又東南注于伊水  
昔有莘氏女採桑于伊川得嬰兒于空桑中言其母  
孕于伊水之濱夢神告之曰白水出而東走毋明視  
而見白水出焉告其鄰居而走顧望其邑咸為水矣  
其母化為空桑子在其中矣莘女取而獻之命養于

庖而長有賢德殷以為尹曰伊尹也

伊尹母化空桑  
事見呂氏春秋

又東北過新城縣南

今洛陽縣南七十五里有新  
城春秋蠻子邑漢以為縣



馬懷橋長水出新城西山東逕晉使持節征南將軍

宋均碑南均字文平縣人也其碑太始三年十二月

立其水又東流入于伊又有明水出梁縣西狼臯山

何氏云臯與臯通智永千丈林臯幸即俗謂之石澗水也西北流逕楊

亮壘南西北合康水亦出狼臯山東北流逕范塢北

與明水合北汶

二字疑衍

西南流入于伊山海經曰放臯

山海經作臯

之山明水出焉南流注于伊水是也伊水又

與大戟水會出梁縣西水有二源北水出廣城西南

西南逕楊志塢北與南水合水源南出廣城澤西流

陸渾河南十二縣薄

朱本作薄

曰廣城澤在新城縣界黃

阜西北流屈而東逕楊塢南又北屈逕其塢東又逕

塢北同注老倒澗俗謂之老倒澗水西流入于伊伊

水又北逕新城東與吳澗水會水出縣之西山東流

南屈逕其縣故城西又東轉逕其縣南故蠻子國也

縣有鄆聚今名蠻中是也漢惠帝四年置縣其水又

東北流注于伊水伊水又逕西北當階城西大狂水

入焉水東出陽城縣之大嵒山山海經曰大嵒之山

多璵璠之玉其陽狂水出焉西南流

按經當有注于伊水四字

其

中多三足龜人食之者無大疾可以已腫狂水又西

逕綸氏縣故城南竹書紀年曰楚吾得帥師及秦伐

鄭圍綸氏者也左與倚薄山水合水北出倚薄之山

南逕黃城西又南逕綸氏故城東而南流注于狂水

狂水又東入

宋本作又西八風溪水注之

風溪水注之水北出八

風山南流逕綸氏城西西南流入于狂水狂水又西

得三交水口水有二源各導一溪並出山南合流舍  
行故世有三交之名也其水西南流注于狂水狂水

又西逕金高山北西南與湮水合水出東北湮谷西  
南流逕武林亭東北又屈逕其亭南其水又西南逕  
湮陽亭東蓋藉水以名亭也又東南流入于狂水狂  
水又西逕湮陽城南又西逕當階城南而西流注于

伊漏水

伊水又上溝水

疑有訛脫似當作伊水又北合上溝水水出元望山西上

溝一作土溝

出玄望西山

一作山西

東逕玄望山南又東逕新

城縣故城北東流注于伊水伊水又北板橋水入焉  
水出西山東流入于伊水伊水又北會厭澗水水出  
西山東流逕邠垂亭南春秋左傳文公十七年秋周  
甘獸敗戎于邠垂者也服虔曰邠垂在高都南杜預  
釋地曰河南新城縣北有邠垂亭司馬彪郡國志曰  
新城有高都城今亭在城南七里遺基猶在京相璠  
曰舊說言邠垂在高都南今上黨有高都縣余謂  
京論疎遠未足以證無知羣說之旨密矣

朱云知羣二字訛當作無

如虔說之  
音密矣

其水又東注于伊水伊水又北逕高都城

東

今在洛陽  
縣西南

徐廣史記音義曰今河南新城縣有高

都城竹書紀年梁惠成王十七年東周與鄭高都利

竹書紀年  
無利字

者也又來儒之水

山海經半石之山來需  
之水出于其陽而西流

注于伊水今云  
來儒誤下同

出于半石之山西南流逕斌輪城北

西歷芟澗水以其西流又謂之小狂水也其水又西

南逕大石嶺南開山圖所謂大石山也山下有大石

嶺碑河南隱士通明以漢靈帝中平六年八月戊辰

于山堂立碑文字淺鄙殆不可尋魏文帝獵于此山

虎超乘輿孫禮拔劍投虎于是山

魏志孫禮傳明帝獵于大石山虎趨

乘輿禮便投鞭下馬欲奮劍斫虎詔令禮上馬今云文帝誤

山在洛陽南而劉澄

之言在洛東北非也山阿有魏明帝高平陵

在今孟津縣舊

河清城界

王隱晉書曰惠帝使校尉陳總仲元詣洛南山

請雨總盡除小祀惟存大石而祈之七日大雨即是

山也來儒之水又西南逕赤眉城南又西至高都城

東西入伊水謂之曲水也

又東北過伊闕中

伊水逕前亭西左傳昭公三十二年晉箕遺樂徵右

行詭濟師取前城者也

左傳昭公二十二年晉箕遺樂徵右行詭濟師取前城注

曰三子晉大夫濟師渡伊洛也此云三十二年誤

京相璠曰今洛陽西南五

十里伊闕外前亭矣服虔曰前讀

後漢書郡國志雒陽有前亭注曰前

亭即泉戎也

為泉周地也伊水又北入伊闕昔大禹疏以

通水兩山相對望之若闕伊水歷其間北流故謂之

伊闕矣春秋之闕塞焉昭公二十六年趙鞅使女寬



守闕塞是也陸機云洛有四闕斯其一焉東巖西嶺  
並鐫石開軒高甍架峰西側靈巖下泉流東注入于  
伊水傅毅反都賦曰困龍門以暢化開伊闕以達聰  
也闕左壁有石銘云黃初四年六月二十四日辛巳  
大出水舉高四丈五尺齊此已下蓋記水之漲減也  
石壁又有石銘云永康五年河南府君循大禹之軌  
部督郵辛曜新城令王琨部監作掾董猗李褒斬岸  
開石平通伊闕石丈尚存也

按闕塞亦曰龍門山故  
傅毅反都賦因龍門以

暢化開伊闕以達聰也一名闕口山  
又名鍾山在今洛陽縣西南三十里

又東北至洛陽縣南北入于洛

伊水自闕東北流枝津右出焉東北引溉東會合水

同注公路澗入于洛今無水戰國策曰東周欲為田

西周不下水蘇子見西周君曰今不下水所以富東

周也民皆種他種欲食之不如下水以病之東周不

必復種稻種稻而復奪之是東周受于君矣

戰國策云今不

下水所以富東周也民皆種麥若欲害之不如下水以病之東周必復種稻種稻而復奪之是東周受命

于君西周遂下水即是水之故渠也伊水又東北枝  
渠左出焉水積成湖北流注于洛合伊水伊水又東  
北至洛陽縣南逕員丘東大魏郊天之所準漢故事  
建之後漢書郊祀志曰建武二年初制郊兆于洛陽  
城南七里為圜壇八陛中又為重壇天地位其上皆  
南向其外壇上為五帝位其外為壝重營皆紫以像  
紫宮按禮天子大裘而冕祭昊天上帝于此今衮冕  
也壇壝無復紫矣伊水又東北流注于洛水廣志曰

與上不相接鯢魚聲如小兒有四足形如鱧可以治牛  
疑有脫文

出伊水也司馬遷謂之人魚故其著史記曰始皇帝  
之葬也以人魚膏為燭徐廣曰人魚似鮎而四足即

鯢魚也

澠水出河南穀城縣北山

括地志云故穀城在河南縣西北十八里苑中西臨澠水

按左傳定八年周大夫詹翩叛單子伐穀城即此漢置穀城縣魏省入河南縣自故縣西北又三十二里有穀城山東連孟津界即博物志所謂潛亭山也

縣北有潛亭澠水出其北梓澤中梓澤地名也澤北

對原阜即裴氏墓塋所在碑闕存焉其水歷澤東南  
流水西有一原其上平敞古舊胡云舊當作  
替古潛字亭之處  
也即潘安仁西征賦所謂越街郵者也

東與千金渠合

千金渠在今河南  
府城外三十里

周書曰我卜瀍水西謂是水也東南流水西南有帛  
仲理墓墓前有碑題云真人帛君之表仲理名護益  
州巴郡人晉永寧二年十一月立瀍水又東南流注  
于穀穀水自千金塢東注謂之千金渠也

又東過洛陽縣南又東過偃師縣又東入于洛

澗水出新安縣南白石山

山海經曰白石之山惠水出于其陽東南注

山海經作而南

流于洛澗水出于其陰北流

經作西北流

注于穀世謂是

山曰廣陽山水曰赤岸水亦曰石子澗地理志曰澗

水出新安縣東南東入洛是為密矣東北流歷函谷

東坂東謂之八特坂

在今新安縣東

山海經曰北流注于穀

摯仲治三輔決錄注云馬氏兄弟五人共居澗穀二

水之交作五門客因舍以為名今在河南西四十里以山海經推較里數不殊仲治所記水會疑訛尚有故

居處斯則澗水也即周書所謂我卜澗水東言水二字

疑者是也

東南入于洛

孔安國曰澗水出澠池山今新安縣西北有一水北出澠池界東南流逕新安縣而東南流入于穀水安國所言當斯水也然穀水出澠池下合澗水得其通

稱或亦指之為澗水也並未詳之耳今孝水東十里  
有水世謂之慈澗又謂之澗水按山海經則少水也  
而非澗水蓋習俗之悞耳又按河南有離山水謂之  
為澗水水西北出離山東南流注于離山澗水也又  
東南流歷邾山于穀城東而南流注于穀舊與穀水  
亂流流同疑作同流南入于洛今穀水東入千金渠澗水  
與之俱東入洛矣或以是水並為周公之所相卜也  
呂忱曰今河南使水疑其是即此水也然意所未詳



故並書存之耳

禹貢錐指洛誥周公曰我乃卜澗水東瀍水西惟  
洛食謂王城也我又卜瀍水東亦惟洛食謂下都  
也王城即邾邑漢為河南縣其故城在今洛陽縣  
西北下都即成周漢為洛陽縣河南郡治在今洛  
陽縣東北二十里二城東西相距四十里而今洛  
陽縣居其中古時澗水經河南故城西入洛瀍水  
經河南故城東入洛故澗水東瀍水西為王城而

瀝水東為下都也洛誥之文甚明自周靈王壅穀  
水使東出于王城之北則其勢必入于瀝水而合  
流歷王城之東以南注于洛時二水猶未經洛陽  
城也迨東漢建都于此自河南縣東十五里之千  
金碣引水繞都城南北以通漕而瀝水始與穀水  
俱東注矣古時瀝不合澗亦不過洛陽縣南而東  
至偃師也

水經注集釋訂訛卷十五

欽定四庫全書

水經注集釋訂訛卷十六

歸安沈炳巽撰

穀水 甘水 漆水

澹水 沮水

穀水出弘農黽池縣南今屬河南府墻冢林穀陽谷穀水在永寧縣

北七  
十里

山海經曰傅山之西有林焉曰墻冢穀水出焉東流

注于洛其中多珉玉

山海經作珉玉

今穀水出于崤東馬頭

山穀陽谷東北流歷鼃池川本中鄉地也漢景帝三

年

按漢書地理志景帝中二年初城徙萬家為縣

初城徙萬戶為縣因崤鼃

之池以目縣焉亦或謂之彭池故徐廣史記音義曰

鼃或作彭穀水處也穀水又東逕秦趙二城南司馬

彪續漢書曰赤眉從鼃池自利陽南欲赴宜陽者也

世謂之俱利城者諺曰昔秦趙之會各據一城秦王

使趙王鼓瑟蘭相如令秦王擊缶處也馮異又破赤

眉于是川矣故光武璽書曰始雖垂翅回溪終能奮

翼黽池可謂失之東隅收之桑榆矣穀水又東逕土

嶠北

孫云土嶠土字疑誤盖有東西二嶠此或作西嶠也

所謂三嶠也穀水又

東左會北溪溪水北出黽池山東南流注于穀疑即

孔安國所謂澗水也穀水又東逕新安縣故城南括地

志云新安故城在今

北夾流而西接嶠黽昔項羽西

黽池縣東十二里

入秦坑降卒二十萬于此國滅身亡宜矣穀水又東

逕千秋亭南其亭累石為垣世謂之城也潘岳西征

賦曰亭有千秋之號子無七旬之期謂是亭也又東

逕于雍谷溪回岫縈紆石路阻峽故亦有峽石之稱

矣晉大

上下疑有訛字脫文

歷側左與北川水合水有二源並

導北山東南流合成一水自乾注巽入于穀穀水又

東逕缺門山山阜之不接者里餘故得是名矣二壁

爭高斗聳相亂西瞻雙阜右望始低

一本作如砥

穀水自

疑漏缺字

門而東廣陽川注之水出廣陽北山東南流注

于穀南望微山雲峯相亂穀水又逕白超壘南戴延

之西征記云次至白超壘去函谷十五里築壘當大

道左右有山夾至

孫云當作壘

相去百餘步從中出北乃

故關城非所謂白超壘也是壘在缺門東一十五里

壘側舊有塢故治官所在魏晉之日引穀水為水治

水治字疑訛

以經國用遺跡尚有

當作存

穀水又東石默溪

水出微山東麓石默溪東北流入于穀穀水又東宋

水北流注于穀穀水又東逕魏將作大匠母丘興盛

魏志母丘儉父名興今云興盛誤

墓南二碑存焉儉父也管輅別傳

曰輅嘗隨軍西征過其墓而嘆謂士友曰玄武藏頭

青龍無足白虎衝尸

魏志作白虎衝尸

朱雀悲哭四危已備

法應滅族果如其言穀水又東逕函谷關南東北流  
皂澗水注之水出新安縣東南流經母丘興盛墓東  
又南逕函谷關西關高嶮峽路出屢郭漢元鼎三年  
樓船將軍楊僕數有大功恥居關外請以家僮七百  
人築塞徙關于新安即此處也昔郭丹西入關感慨  
于其下曰不乘駟馬高車終不出此關也去家十二



年果如志焉

後漢書郭丹傳丹字少卿南陽人也從師長安買符入函谷關乃慨然嘆曰丹

不使使者車終不出關更始二年三公舉丹賢良徵為諫議大夫持節使歸南陽丹自去家十有二年果乘高車出關如其志焉 皂澗水又東流入于穀穀水又東北逕

函谷關城東右合桑奭之水山海經曰白石山西五

十里曰穀山其上多穀其下多桑奭之水出焉

朱鬱儀據

今本山海經以為桑奭二字不得相連愚意以為其誤不在酈注而在山海經經于多下脫去金玉等字遂將桑字連上讀奭下復漏之字遂謂不得相連幸有酈注連引二句可以駁正今反疑酈注之誤似乎失考 世謂之紆麻澗北流注于穀山海經曰

按山海經其中多碧

綠句原接上北流注于穀此山其中多碧穀水又東

海經曰四字當刪碧下漏綠字

澗水注之山海經曰婁涿山西四十里曰白石之山  
澗水出焉北流注于穀自下通謂之澗水為穀水之  
兼稱焉故尚書曰伊洛瀍澗既入于河而無穀水之  
目是名亦通稱矣劉澄之云新安有澗水源出縣北  
又有澗水未知其源余考諸地記並無澗水但澗澗  
字相似時有字錯為澗也故閩駟地理志曰禹貢之  
澗水是以知傳寫書誤字謬舛真證

澄疑作

之不思所

致耳既無斯水何源之可求乎穀水又東波水注之

山海經曰瞻諸山西三十里婁涿之山無草木多金

玉波

山海經作陂

水出于其陰世謂之百荅水北流注于

穀其中多砵石文石穀水又東少水注之山海經曰

廆山西三十里曰瞻諸之山其陽多金其陰多文石

少水出于其陰控引衆溪積以成川東流注于穀世

謂之慈澗也

今在新安縣東三十里

穀水又東俞隨之水注之

山海經曰平蓬山西十里廆山

按山海經平蓬之山西十里曰縞羝之山

又西十里曰鹿山此云  
十里誤當作二十里

其陰多璵璠之玉俞隨之水

出于其陰北流注于穀世謂之孝水也潘岳西征賦  
曰澡孝水以濯纓嘉美名之在茲是水在河南城西

十餘里

在今府城西  
南三十里

故吕忱曰孝水在河南而戴延

之言在函谷關西劉澄之又云出擅山擅山在宜陽

縣西在穀水南無南入之理考尋茲說當承緣生述

征謬誌耳緣生從戎行旅征途訊訪既非舊土故無

所究今川瀾北注澄映泥濘得言枯涸也

宋本作何  
得言枯涸

也皆為疏僻矣

東北過穀城縣北

城西臨穀水故縣取名焉穀水又東逕穀城南不歷其北又東逕洛水支流入焉今無水也

又東過河南縣北東南入于洛

河南城西北穀水之右有石磧磧南出為死穀北出為湖溝魏太和七年暴水流高三丈此地地下停流以成湖渚造溝以通水東西十里決湖以注瀍水穀水

又逕河南王城北所謂成周矣公羊曰成周者何東  
周也何休曰名為成周者周道始成王所都也地理  
志曰河南河南縣故邾鄆地也京相璠曰邾山名鄆  
地邑也卜年定鼎為王之東都謂之新邑是為王城  
其城東南名曰鼎門蓋九鼎所從入也故謂是地為  
鼎中楚子伐陸渾之戎問鼎于此述征記曰穀洛二  
水本于王城東北合流所謂穀洛關也今城之東南  
缺千步世又謂之穀洛關處俱為非也余按史傳周

靈王之時穀洛二水鬪毀王宮王將竭之太子晉諫  
王不聽遺堰三堤尚存左傳襄公二十五年齊人城  
郊穆叔如周賀韋昭曰洛水在王城南穀水在王城  
北東入于瀍至靈王時穀水盛出于王城西而南流  
合于洛兩水相格有似于鬪而毀王城西南也潁客  
之著春秋條例客當作容隋書經籍志漢公車  
徵士潁容著春秋釋例十卷言西  
城梁門枯水處世謂之死穀是也始知緣生行中造  
次入關經究故事與實違矣

禹貢錐指曰澗穀二源至新安東而合流自下得通稱古謂之澗周室東遷謂之穀而澗之名遂晦周語靈王二十二年穀洛鬪將毀王宮王欲壅之太子晉諫曰不可引共工伯鯀之言為戒王弗聽卒壅之韋昭注云鬪者兩水相格有似于鬪洛在王城之南穀在王城之北東入于澗至靈王時穀水盛出于王城之西而南流合于洛水毀王城西南將及王宮故齊人城郊壅之者壅防穀水使北



出也郭緣生述征記曰穀洛二水本于王城東北  
合流所謂穀洛關也今城之東南缺千步世又謂  
之穀洛關處酈道元引韋昭語以折緣生之謬愚  
謂郭固失之而韋亦未為得也穀水出王城之西  
而南合于洛水者其故道也靈王時偶值暴水大  
至兩川相觸如格鬪然故謂之關非穀水本由城  
北入瀍而今忽改道由城西而入洛也使穀水本  
由城北而東入于瀍則洛誥何以指王城為澗水

東耶且使穀水故道果在城北則靈王壅之使北  
出是為復禹之迹太子晉亦何為引共鯀防川之  
害以戒王哉此理甚明不待多辯道元言靈王壅  
穀其遺堰三堤尚存今亦不可得詳竊意此三堤  
者皆在王城之西北當時堰穀水使出于城北與  
澠水會折而南歷城東至千金塢處又南入洛此  
蓋自靈王以迄西漢穀水會洛之故道也何以知  
之以東漢作塢于河南城東十五里知之也使穀

水不由此入洛塢何為在此乎道元云河南城西  
北穀水之右有石磧磧南出為死穀潁容春秋條  
例言西城梁門枯水處世謂之死穀是也死穀云  
者以其有瀆而無水即靈王壅穀後城西所存之  
枯渠矣方輿紀要云自東漢引穀洛之水以通漕  
曹魏文明之世大營宮殿分引支流灌注苑囿延  
及晉代川谷漸移及元魏遷都更加營治大約時  
所務者都邑之漕渠而已隋大業元年改建東都

并河南洛陽而一之大變成周之轍

隋東都城即今河南府治

直伊闕之口依邙山之塞自周敬王漢光武魏文帝晉武帝後魏孝文帝皆都故洛城至是西移十

八里置而通濟之渠復起

隋書煬帝大業元年開通濟渠自西苑引穀洛

水達于河自板渚引河通于淮

于時又以穀洛二水周匝都城為

急故復引穀南流以會洛從城西遶城而南以達

城東經偃師鞏縣之間而注于洛口其于千金九

曲之故迹又未嘗過而問焉渭按瀍澗水道之變

自東周靈王壅穀使東出一變也東漢引水為漕

渠二變也。魏晉引水灌苑囿三變也。元魏決河注  
澠水四變也。隋煬引水匝都城五變也。更此五變  
禹迹豈可復問。韋鄠諸人據後世之水道以為禹  
迹而莫之辯。恃有洛誥數言推得其大畧而已。其  
穎容所言死穀抑亦古澗水歷王城西之明證也。  
考王封周桓公于是為西周及其孫惠公封少子于  
鞏為東周。故有東西之名矣。秦滅周以為三川郡。項  
羽封申陽為河南王。漢以為河南郡。王莽又名之曰

保忠信鄉光武都洛陽以為尹尹正也所以董正京

畿率先百郡也穀水又東流逕乾

一作軋

祭門北子朝

之亂晉所開也東至千金塢河南十二縣境簿曰河

南縣城東十五里有千金塢洛陽記曰千金塢舊堰

穀水魏時更修此堰謂之千金塢積石為塢而開溝

渠五所謂之五龍渠渠上立塢塢之東首立一石人

石人腹上刻勒云太和五年二月八日庚戌造築此

塢更開溝渠此水衝渠上

上當作止

其水助其堅也必經

年歷世是故部立石人以記之云爾蓋魏文帝

按太和是

魏明帝年號

修王張故績也竭是都水使者陳協所

文當作明

造也語林曰陳協數進阮步兵酒後晉文王欲修九

龍堰阮舉協文王用之掘地得古承水銅龍六枚堰

遂成水歷竭東注謂之千金渠逮于晉世大水暴注

溝瀆池壞又廣功焉石人東脇下文云太始七年六

月二十三日大水并瀑出常流上三丈蕩壞二竭五

龍泄水南注瀉下加歲久漱齧每滂即壞歷載涓棄

大功今衍故為今竭更于西開泄名曰代龍渠地形

正平誠得為

宋本作  
瀉泄

泄至理千金不與水勢激爭無

緣當壞由其卑下水得輸

宋本作  
踰

上漱齧故也今增高

千金于舊一丈四尺五龍自然必歷世無患若五龍

歲久復壞可轉于西更開二竭二渠合用二十三萬

五千六百九十八功以其年十月二十三日作功

重人少到八年四月二十日畢伐龍渠即九龍渠也

後張方入洛破千金竭公私賴之水積年渠竭頽毀



石砌殆盡遺基見存朝廷太和中修復故堦按千金

堦石人西脇下文云若溝渠久疎深

上下疑有謬脫

引水者

當于河南城北石磧西更開渠北出使首孤立

此段上下

俱有脫文訛誤

故溝東下因故易就磧堅便時事業已訖然

後見之加邊方多事人力苦少又渠堦新成未患於

水是以不敢預修通之若于後當復興功者宜就西

磧故書之于石以遺後賢矣雖石磧淪敗故跡可憑

準之于文北引渠東合舊瀆舊瀆又東晉惠帝造石

渠于水上按橋西門之南頗丈稱晉元康二年十一

月二十日改治石巷水門除堅

宋本作豎

枋更為函枋立

作覆枋屋

何氏云句讀未詳

前後辟級續石障使南北入岸

築治漱處破石以為殺矣到三年三月十五日畢記

并記列門廣長深淺于左右巷東西長七尺南北龍

尾廣十二丈巷瀆口高三丈謂之罽門橋又潘岳西

征賦曰秣馬罽門即此處也

按潘岳西征賦作秣馬  
臯門注云臯門周故門

也明一統志洛陽舊城穀門上有臯門  
橋晉惠帝建此云罽門即古臯字也

穀水又東又

結石梁跨水制城西梁也穀水又東左會金谷水水出  
大白原東南流歷金谷謂之金谷水東南流逕晉衛  
尉卿石崇之故居也

疑當作西

石季倫金谷詩集叙曰余

以元康七年從太僕出為征虜將軍有別廬在河南

界金谷澗中有清泉茂樹衆果竹柏藥草蔽翳

此下訛以

渭水注錯簡于此彼注自具今刪之但下文與此不接當另有脫文

西北角築之謂之

金墉城魏文帝起層樓于東北隅晉宮閣名曰金墉  
有崇天堂即此地上架木為榭故曰樓矣皇居創徙

宮極

疑訛

未就止蹕于此構宵榭于故臺所謂臺以停

停

疑有訛誤

也南曰乾光門夾建兩觀觀下列朱桁于塹

以為御路東曰含春門北有退門城上西

疑當作四

面列

觀五十步一睥睨屋臺置一鍾以和漏鼓鼙北

疑有上下

脫文訛字

連廡蔭墉北廣榭炎夏之日高視

何云此處脫誤非一

常

以避暑為涿水池一所在金墉者也穀水逕洛陽小

城北因阿舊城憑結金墉故向地也永嘉亂結以為

壘號曰洛陽壘故洛陽記曰陵雲臺西有金市金市

北對洛陽壘者也又東歷大夏門下故夏門也陸機與弟書云門有三層高百尺魏明帝造門內東側際城有魏文帝所起景陽山餘基尚存孫盛魏春秋曰

黃初元年文帝愈崇宮殿

何氏云黃初當是景初文帝當是明帝

雕飾

觀閣取白石英及五色大石于太行穀城之山起景陽山于芳林園樹松竹草木捕禽獸以充其中于時百役繁興帝躬自掘土率羣臣三公以下莫不展力山之東舊有九江陸機洛陽記曰九江直作負水水

中作員壇三破之夾水得相逕通

何氏云漏東京二字

賦曰濯

龍芳林九谷八溪芙蓉覆水秋蘭被涯今也山則塊

阜獨立江

下疑漏則字江字亦疑訛或當作溪谷

無復髣髴矣渠水又東

枝分南入華林園歷疎圃南

洛陽宮殿有蔬圃殿此亦當作蔬圃在華林園

者圃中有古玉井井悉以珉玉為之以緇石為口工

作精密猶不變古燦然如新又逕瑤華宮南歷景陽

山北山在都亭堂上結方湖湖中起御坐石也御坐

前建蓬萊山曲池接筵飛沼拂席南面射侯夾席武

峙背山堂上則石路崎嶇巖嶂峻嶮雲臺風觀纓繡

帶阜遊觀者升降耶

疑訛或作阿

閣出入虹陞望之狀島

沒

狀下疑漏若字島疑作鬼

鸞舉矣其中引水飛翠傾瀾瀑布或

枉渚聲溜潺潺不絕竹柏蔭于層石繡薄叢于泉側

微颺暫拂則芳溢于六空入為神居矣其水東生

疑作

注天淵池池中有魏明帝九花叢

朱云九花叢當作九華殿洛陽宮殿

有九華殿或當作九龍殿魏志云青龍殿基悉是洛

三年還洛陽宮復崇華殿改名九龍殿

中故碑累之今造釣臺于其上池南直魏文帝茅茨

堂前有茅茨碑是黃初中所立也其水自天淵池東出華林園逕聽訟觀南故平望觀也魏明帝常言獄天下之命也每斷大獄恒幸觀聽之以太和三年更

從今名觀西北接華林隸簿

當作簿下同

昔劉楨磨石處

也文士傳曰文帝之在東宮也宴諸文學酒酣命鄴后出坐者咸伏惟劉楨平仰視之太祖以為不敬送徒隸簿後太祖乘步牽車乘城降觀簿作諸徒咸敬而楨樞坐

一作匡

磨石不動太祖曰此非劉楨耶石如



何性楨曰石出荆山玄巖之下外炳五色之章內秉

賢當作堅貞之志雕之不增文磨之不加瑩稟氣貞正

稟性自然朱本有箋太祖曰名豈虛哉復為文學池水又

東流于洛陽縣之南池池即故狄泉也南北百一十

步東西七十步皇甫謐曰悼王葬景王于翟泉今洛

陽太倉中大冢是也春秋定公元年晉魏獻子合諸

侯之大夫于翟泉始盟城周按左傳作將以城成周班固服虔

皇甫謐咸言翟泉在洛陽東北周之墓地今按周威

烈王葬洛陽城內東北隅景王冢在洛陽太倉中翟

泉在兩冢之間側廣莫

朱本作墓

門道東建春門路北

路即東宮街也于洛陽為東北後秦封呂不韋為洛陽

十萬戶侯大其城并得景王冢矣是其墓地也及晉

永嘉元年洛陽東北步廣里地陷有二鷲出蒼色者

飛翔冲天白色者止焉陳留孝廉董養曰步廣周之

狄泉盟會之地今色蒼胡象矣其可盡言乎後五年

劉曜王彌入洛帝居平陽陸機洛陽記曰步廣里在

洛陽城內宮東是狄泉所在不得于太倉西南也京

相璠與裴司空彥季脩晉輿地圖作春秋地名亦言今

太倉西南池水名狄泉又曰舊說言狄泉本自在洛陽

北萇弘城周

上下疑有訛字

乃繞之杜預因其一證必是狄

泉而即實非也後遂為東宮池晉中州記曰惠帝為

太子出聞蝦蟇聲問人為是官蝦蟇私蝦蟇侍臣賈

盾對曰在官地為官蝦蟇在私地為私蝦蟇令曰若

官蝦蟇可給稟先是有讖云蝦蟇當貴昔晉朝收愍

懷太子于後池即是池也其一水自大夏門東逕宣

武觀憑城結構不更

何氏云更下有脫文

層墉左右夾列步廊

參差翼跂南望天淵池北矚宣武場竹林七賢論曰

王戎幼而清秀魏明帝于宣武場上為欄芭虎阱使

力士袒裼迭與之搏縱百姓觀之戎年七歲亦往觀

焉虎承門薄欄而吼其聲震地觀者無不辟易顛仆

戎亭然不動帝于門上見之使問姓名而異之場西

故賈充宅地穀水又東逕廣莫門北漢之穀門也北

對芒阜

朱云當作邱阜即北邙山或作芒

連嶺脩亘苞惣衆山始自

洛口西踰平陰悉芒壟也魏志曰明帝欲平北芒令

登臺見孟津侍中辛毗諫曰若九河溢湧洪水為害

丘陵皆夷何以禦之帝乃止穀水又東出屋南逕建

春門

宋本作又東屈而逕建春門

石橋下即上東門也阮嗣宗詠

懷詩曰步出上東門者也一曰上升門晉曰建陽門

百官志曰洛陽十二門候一人

十二門朱本訛作十一門今據漢志改漢

志洛陽十二門每門候一人漢官儀云十二門皆有亭

六百石東觀漢記曰郅

惲為上東門候光武嘗出夜還詔開門欲入惲不納  
上令從門間識面惲曰火明遼遠遂拒不開由是上  
益重之亦袁本初挂節處也橋首建兩石柱橋之右  
柱銘云陽嘉四年乙酉壬申詔書以城下漕渠東通  
河濟南引江淮方貢委輸所由而至使中謁者魏郡  
清淵馬憲監作石橋梁柱敕工匠畫要妙之巧攢  
立重石累高周距橋工路博流通萬里云云河南尹  
邳崇隗丞渤海重合雙福水曹掾中年任防史王蔭

史趙興將作吏睢陽申翔

上下疑有訛字

道橋掾成罽卑國

洛陽令江雙丞平陽降監掾王騰之主石作左北平

山仲三月起作八月畢成其水依柱文自樂里道屈

而東出陽渠昔陸機為成都王穎入洛敗此而返水

南即馬市也舊洛陽有三市斯其一也

朱箋陸機洛陽記云洛陽

舊有三市一曰金市在宮西大城內嵇叔夜為司馬

昭所害處也北則白社故里也昔孫子荆會董威輦

于白社謂此矣以同載為榮故有威輦圖

朱箋晉書隱逸傳董

京字威輦初與隴西計吏俱至洛陽被髮行吟常宿  
白社中時乞于市得殘碎繒絮結以自覆或見推排  
罵辱曾無怒色時孫楚為著作郎數就社  
中與語遂載與俱歸勸之仕京答以詩

又東逕馬

市石橋橋南有二石柱並無文刻也漢司空漁陽王

梁之為河南

疑漏尹字

也將引穀水以溉京都渠成而水

不流故以坐免後張純堰洛而通漕洛中公私懷瞻  
是渠今引穀水蓋純之創也按陸機洛陽記劉澄之  
永初記言城之西面有陽渠周公制之也昔周遷殷  
民于洛邑城隍偏狹卑陋之所耳晉故城成周以居



敬王秦又廣之以封不韋以是推之非專周公可知  
矣亦謂之九曲瀆故河南十二縣簿云九曲瀆在河  
南鞏縣西西至洛陽又按傅暢晉書云都水使者陳  
良鑿運渠從洛口入注九曲至東陽門是以阮嗣宗  
詠懷詩所謂朝出上東門逕望首陽岑又言遙遙九  
曲間徘徊欲何之者也陽渠南行水南暨閭闔門漢  
之上西門者也漢宮記曰上西門所以不純白者漢  
家厄于成故以丹雘之太和遷都徙門南側其水北

乘高渠枝分上下歷故石橋東入城逕望先寺中有

碑碑側法子丹碑作龍矩

當作距猶龜跌也

勢于今作則佳

方古猶劣渠水又東歷故金市南直千秋門右宮門

也又枝流入石逕伏流注靈芝九龍池魏太和中皇

都遷洛陽經構宮極修理街渠務窮隱

隱上疑有脫文或當作幽

隱發石視之嘗無毀壞

嘗字疑訛或作曾

又石工細密非今

之所擬亦奇為精至也遂因用之其一水自千秋門

南流逕神虎門下東對雲龍門二水

疑當作門

衡拱之上

皆刻雲龍風虎之狀以火齊薄之及其晨光初起夕  
景斜輝霜文翠照陸離眩目又南逕通門掖門西又  
南流東轉逕閭闔門南案禮王有五門謂臯門庫門  
雉門應門路門路門一曰畢門一曰虎門也魏明帝  
上法太極于洛陽南宮起太極殿于漢崇德殿之故  
處改雉門為閭闔門昔在漢世洛陽宮殿門題多是  
大篆言是蔡邕諸子自董卓焚宮殿魏太祖平荊州  
漢吏部尚書安定梁孟皇善師宜官八分體求以贖

死太祖善其法常仰繫帳中愛翫之以為勝宜官北  
宮榜題咸是鵠筆南宮既建明帝令侍中京兆韋誕

以古篆書之

書斷師宜官南陽人靈帝好書徵天下工書者于鴻都門至數八分稱宜官為

最大則一字徑丈小則方寸千言梁鵠字孟皇安定  
烏氏人以善八分知名舉孝廉為郎亦在鴻都門下

衛恒四體書勢云師宜官每書輒削而焚其祔

鵠乃益為版而飲之酒候其醉而竊其祔後奔劉表

魏武破荊州募求鵠署軍假司馬在祕書以勤書自

効武帝懸著帳中及以釘壁翫之以為勝宜官金

壺記鵠法師宜官師善小字鵠善大字文章叙錄韋

誕字仲將京兆人有書名書斷誕諸書並善尤精題

署明帝時凌雲臺初成令誕題勝高下異好宜就加  
點正因致危懼頭鬢皆白既下戒子孫無為大字

皇都遷洛始令中書舍人沈舍馨

疑作舍馨

以隸書書之

景明正始之年又勅符節令江式以大篆易之今諸  
桁榜題皆是式書周官太宰以正月懸治法于象魏  
廣雅曰闕謂之象魏風俗通曰魯昭公設兩觀于門  
是謂之闕從門厥聲爾雅曰觀謂之闕說文曰闕門  
觀也漢官典職曰偃師去洛四十五里望朱雀闕其  
上鬱然與天連是明峻極矣洛陽故宮名有朱雀闕  
白虎闕蒼龍闕北闕南宮闕也東觀漢記曰更始發

洛陽李松奉引車馬奔觸北闕鐵柱門三馬皆死即  
斯闕也白虎通曰門必有闕者何闕者所以飾門別  
尊卑也今閭闔門外夾建巨闕以應天宿雖不如禮  
猶象而魏之上加復思以易觀矣

孫云當作猶象魏之上而加復思以

易觀廣雅曰復思謂之屏釋名曰屏自障屏也冼思

在門外冼復也臣將入請事

原本訛諸事朱本作言  
事釋名作請事當從釋

名為于此復重思之也漢末兵起壞園陵冼思曰無

使民復思漢也故鹽鐵論曰垣闕冼思言樹屏隅角

所架也潁容又曰闕者上有所失下得書之于闕所  
以求論譽于人故謂之闕矣今闕前水南道右置登  
聞鼓以納諫也昔黃帝立明臺之議堯有衢室之問  
舜有告善之旌禹有立鼓之訊湯有總街之誅武王  
有靈臺之復皆所以廣設過悞之備也渠水又支分  
夾路南逕出太尉司徒兩坊間謂之銅駝街舊魏明  
帝置銅駝諸獸于閭闔南街陸機云駝高九尺即  
作積朱本出太尉坊者也水西有永寧寺熙平中始創

也作九層浮圖浮圖下基方一十四丈自金露样下至地四十九丈取法代都七級而又高廣之雖二京

之盛五都之富利剝靈圖未有若斯之構

朱引洛陽伽藍記永

寧寺熙平元年靈太后胡氏所立也在宮前閭闔門南一里中有九層浮圖一所架木為之舉高九十丈有剝復高十丈合去地一千尺去京師百里遙已見之初掘基至黃泉下得金像三十軀太后以為信法之徵是以營建過度也按釋法顯行傳西國有爵離浮圖其高

與此相狀東都西域俱為莊妙矣其地是曹爽故宅經始之日于寺院西南隅得爽窟室下入土可丈許



地壁悉累方石砌之石作細密都無所毀其石悉入

法用自非曹爽庸匠亦難復制此桓氏有言曹子丹

生此豚犢信矣

朱箋魏志曹真傳真子爽專政作威飲食居服擬于乘輿尚方珍玩充物

其家妻妾盈後庭擅取太廟樂器武庫禁兵作窟室綺疏四周數與何晏等會其中飲酒作樂魏氏春

秋曰爽既罷兵曰我不失為富家翁桓範笑曰曹子丹佳人生汝兄弟犢耳何圖今日坐汝等族滅矣

渠左是魏晉故廟地今悉民居無復遺墉也渠水又

西歷廟社之間南注南渠

疑作陽

廟社各以物色辨方

周禮廟及路寢皆如明堂而有燕寢焉惟祧廟別

疑作

則無後代通為一廟列正室于下無復燕寢之制禮  
天子建國左廟右社以石為主祭則締冕今多王公  
攝事王者不親拜焉咸寧元年洛陽大風帝社樹折

青氣屬天元王

一作皇

東渡魏

一作晉

社代昌矣

王隱晉書曰武

帝咸寧元年八月大風折太社樹有青氣出焉占曰東莞當有帝者明年元帝生此晉室中興之表也

渠水自銅駝街東逕司馬門南魏明帝始築闕崩壓  
殺數百人遂不復築故無闕門南屏中舊有置銅翁  
仲處金狄既淪故處亦禰惟壞石存焉自此南直宣

陽門經緯通達皆列馳道往來之禁一同兩漢曹子  
建嘗行御街犯門禁以此見薄渠水又東逕杜元凱  
所謂狄泉北今無水坎方九丈六尺深二丈餘似是  
人功而不類于泉陂是驗非之一證也又皇甫謐帝  
王世紀云王室定遂徙居成周小不受王都故壞翟  
泉而廣之泉源既塞明無故處是驗非之二證也杜  
預言翟泉在太倉西南既言西南于洛陽不得為東  
北是驗非之三證也稽之地說事幾明矣不得為狄

泉也渠水歷司空府前逕太倉南東出陽門石橋下  
注陽渠穀水自閭闔而南逕土山東水西三里有坂  
坂上有土山漢大將軍梁冀所成築土為山植林成  
苑張璠漢記曰山多峭坂以象二嶠積金玉採捕禽  
獸以充其中有人殺苑兔者迭相尋逐死者十三人  
南出逕西陽門舊漢氏之西明門也亦曰雍門矣舊  
門在南太和中以故門卯出故徙是門東對東陽門  
穀水又南逕白馬寺東是漢明帝夢見大人金色項

佩白光以問羣臣或對曰西方有神名曰佛形如陛

下所夢得無是乎于是發使天竺寫致經像始以榆

欂成

疑作盛

經白馬負圖表之中夏故以白馬為寺名

此榆欂

朱云榆欂字未詳考之袁宏漢記及牟子俱不言其事惟吳越春秋嘗有甘密九欂文筍

七枚之文解者以為欂與窻通而齊民要術云榆十五年後中為車輪及蒲窻窻知以榆木為窻遠致蒲

窻也欂窻窻三字互通則

後移在城內愍懷太子浮

圖中近世復遷此寺然金光流照法輪東轉創自此

矣穀水又南逕平樂觀東李尤平樂觀賦曰乃設平

樂之顯觀章祕偉之奇珍華嶠漢書曰靈帝于平樂  
觀下起大壇上建十二重五采華蓋高十丈壇東北  
為小壇復建九重華蓋高九丈列奇兵騎士數萬人  
天子住大蓋下禮畢天子躬擐甲稱無上將軍行陣  
三匝而還設祕戲以示遠人故東京賦曰其一作西  
則有平樂都塲示遠之觀龍雀蟠蜿天馬半漢二字疑有  
訛應劭曰飛廉神禽能致風氣古人以良金鑄其象  
明帝永平五年長安迎取飛廉并銅馬置上西門外

平樂觀今于上西門外無他基觀惟西明門外獨有  
此臺巍然廣秀疑即平樂觀也又言皇女稚殤靈于  
臺側故復名之曰皇女臺晉灼曰飛廉鹿身頭如雀  
有角而虵尾豹文董卓銷為金用銅馬徙于建始殿  
東階下胡軍喪亂此象遂淪穀水又南逕西門顧氏云當  
作西明門故廣陽門也門左枝渠東派入城逕太社前  
又東逕太廟南又東于清陽門右下注陽渠穀水又  
南東屈逕津門南故津門也昔洛水泛洑漂落害者

衆

衆上疑  
有脫文

津城門校

疑漏  
尉字

將築以遏水諫議大夫陳

宜止之曰王臣也水絕其足朝廷中興必不入矣水

乃造門而退穀水又東逕宣陽門南故苑門也皇都

遷洛移置于此對閭闔門南直洛水浮桁故東京賦

曰沂洛背河左伊右瀍者也夫洛陽考之中土卜惟

洛食實為神也門左即洛陽池處也池東舊平城門

所在矣今塞北對南

何校  
改洛

陽南宮

亭林云當作  
洛陽南門

故蔡

邕曰平城門正陽之門與宮連屬郊祀法駕所由從



出門之宸尊者洛陽諸宮名曰南宮有諺臺

疑作臨門

照臺東京賦曰其南則有諺門曲榭依阻城洫

東京賦作

邪阻注云諺門冰室門也阻依洫城下池也皆屈曲

邪行依城池為道故說文曰隍城池也有水曰池無

水曰隍矣諺門即宣陽門也門內有宣陽冰室周禮

有冰人日在北陸而藏之西陸朝覲而出之

玉篇陸星也爾

雅釋天北陸虛也西陸昴也左傳昭二年古者日在北陸而藏冰西陸朝覲而出之注陸道也謂夏十二

月日在虛危在西陸冰室舊在宣陽門內故得是名

謂夏三月日在昴畢

門既擁塞冰室又罷穀水又逕靈臺北望雲物也漢

光武所築高六丈方二十步世祖嘗宴于此臺得走

鼠于臺上

朱云走鼠當作鼯鼠實代家傳云實攸治爾雅舉孝廉為郎世祖與百僚遊于靈臺

得鼠身如豹文熒有光輝羣臣莫有知者惟攸對曰此名鼯鼠事見爾雅乃賜絹百疋

亦諫議

大夫第五子陵之所居倫少子也以清正

朱云此下疑脫為郡

功曹四字三輔決錄云第五  
頡字子陵以清正為郡功曹

洛陽無主人鄉里無田

宅寄止靈臺或十日不炊司隸校尉南陽左雄尚書

廬江朱孟興等故孝廉功曹各致禮餉並辭不受永

建中卒穀水又東逕平昌門南故平門也又逕明堂

北漢光武中元元年立尋其基構上圓下方九室重

隅十二堂蔡邕月令章句同之故引水于其下為辟

雍也穀水又東逕開陽門南晉宮閣名曰疑故建陽

門也漢官疑漏儀字曰開陽門始成未有名宿昔有一柱

來在樓上瑯琊開陽縣上言縣南城門一柱飛去光

武皇帝使來識視良是遂堅傳之何氏據漢志文選注改作堅縛之下

添一刻記年月日以名焉何湯仲弓嘗為門候朱箋引謝

承漢書曰何湯字仲弓豫章南昌人  
受學于桓榮為高弟建武中拜郎中  
上微行夜還湯

閉門不納朝廷嘉之又東逕國子太學石經北周禮  
有國學教成均之法學記曰古者家有塾黨有庠遂  
有序國有學亦有虞氏之上庠下庠夏后氏之東序  
西序殷人之左學周人之東膠虞庠王制云養國老  
于上庠養庶老于下庠故有太學小學教國之子弟  
焉謂之國子漢魏以來置太學于國子堂東漢靈帝  
光和六年刻石鏤碑載五經立于太學講堂前悉在

東側蔡邕以熹平四年與五官中郎將堂谿典光祿

大夫碑議郎張訓

後漢書蔡邕傳作光祿大夫馬日碑議郎張馴

韓詵太史

令單颺等奏求正定六經文字靈帝許之邕乃書丹

于碑使工鐫刻立于大學門外于是後儒晚學咸取

正焉及碑始立其觀視及筆寫者車乘日千餘兩填

塞街陌矣今碑上悉銘刻蔡邕等名魏正始中又立

古篆隸三字石經古文出于黃帝之世倉頡本鳥跡

為字取其孳乳相生故文字有六義焉自秦用篆書

焚燒先典古文絕矣魯恭王得孔子宅書不知有古文謂之蝌蚪書蓋因科斗之名遂效其形耳言大篆出于周宣之時史籀創著平王東遷文字乖錯秦之李斯及胡毋敬又改籀書謂之小篆故有大篆小篆焉然許氏字說專釋一篆而不本古文言古隸之書起于秦代而篆字文繁無會劇者

何氏云言劇務則無及也

故用

隸人之省謂之隸書或云即程邈于雲陽增損者是

言隸者篆捷也孫暢之嘗見青州刺史傅弘什

朱箋初學

記引此作  
傳弘仁

說臨淄人發古冢得銅棺前和外隱起為

隸字言齊太公

朱云脫  
六字

世孫胡公之棺也惟三字是

古隸

初學記  
作餘

同今書證知隸自出古非始于秦魏初

傳古文出邯鄲淳石經古文轉失淳法樹之于堂西

石長八尺廣四尺刻石于其下碑石四十八枚廣三

十丈魏文帝又刊典論六碑附于其次陸璣言太學

贊別一碑在講堂西下列石龜碑載蔡邕韓說堂谿

典等名太學弟子贊復一碑在外門中今二碑並無

石經東有一碑是漢順帝陽嘉八年

按陽嘉止四年無八年酈注所

引碑文無從查核姑闕疑

立碑文云建武二十七年造太學年積

毀壞永建六年九月詔書修太學刻石記年用作工

徒十一萬二千人陽嘉八年八月作畢碑南面刻頌

表裏鏤字猶存不破漢石經北有晉辟雍行禮碑是

太始二年立其碑中折但世代不同物不停故石經

淪缺存半幾毀駕言永久諒用憮焉

洛陽伽藍記漢國子學堂之前

有三種字石經二十五碑表裏刻之作篆蝌蚪隸三種字蔡邕筆之遺跡也猶有十八碑餘皆殘毀復有



石碑四十八枚亦表裏隸字又讚學碑一所並在堂前東觀餘論石經在洛陽本在洛宮前御史臺中年久推散洛中好事者時時得之若騏驎一毛虬龍片甲今張燾龍學家有十版最多張氏壻家有五六版玉晉玉家有小塊洛中所有者止此予皆得其拓本論語之末題云詔書與博士臣左立郎中臣書上臣下皆缺當是著書者姓名或云此即蔡邕書姓名既亡無以辨之獨刻者陳興姓名甚完何其幸與此蓋鴻都石經然經各異手書不必皆蔡邕也三字者不見真刻獨此一字者乃當時所刻字畫高古精善殊可寶重金石錄漢石經靈帝熹平四年所立其字則蔡邕小字八分書也後漢儒林傳序云為古文篆隸三體者非也蓋蔡邕所書乃八分而三體石經乃魏時所建也隸釋水經云光和六年立石于太學其上悉刻蔡邕名魏正始中又刻古篆隸三字石經蓋諸儒受詔在熹平而碑成則光和也隋志有一

字石經七種三字石經三種其論云漢鐫七經皆蔡邕書又云魏立一字石經其說自相矛盾新舊唐志有今字石經七種而注論語云蔡邕作又有三字石經古篆兩種蓋唐史以隸為今字也觀遺經字畫之妙非蔡中郎輩不能為以黃初後來碑刻比之不啻霄壤豈魏人筆力可到當以水經為據三體者乃魏人所刻儒林傳云為古文篆隸三體者非也史稱邕自書丹使工鐫刻今所存諸經字體各不同雖邕能分善隸兼備衆體但文字之多恐非一人可辨史云邕與堂谿典等正定今公羊論語之後尚有谿典日碑姓名其外別有趙域劉弘張文蘇陵傳楨左立孫表數人當是同時揮毫者

考古有三雍

之文今靈臺太學並無辟雍處晉永嘉中王彌劉曜入洛焚毀二學尚髣髴前基矣穀水于城東南隅枝

分北注逕清陽門東故清明門也亦曰稅門也亦曰  
芒門又北逕東陽門東故中東門也又北逕故太倉  
西洛陽地記曰大城東有大倉倉下運船常有千計  
即是處也又北入洛陽溝穀水又東左迤為池又東  
右出為方湖東西一百九十步南北七十步故水衡  
署之所在也穀水又東南轉屈而東注謂之阮曲云  
阮嗣宗之故居也穀水又東注鴻池陂百官志曰鴻  
池池名也在洛陽東二十里丞一人二百石池東西

千步南北千一百步四周有塘池中又有東西橫塘

水溜逕通故李尤鴻池陂銘曰鴻澤之陂聖王所規

開水東注出自城池也

朱云開水東注原本作開又玉海引此亦作開又其誤久

矣今按藝文類聚張載鴻池陂銘曰其水又東左合開原東注出自城池蓋本李尤語也

七里澗晉後畧曰成都王穎使吳人陸機為前鋒都督

伐京師輕進為治軍所處

疑當作為又軍所困

大敗于鹿苑人

相登躡死于塹中及七里澗澗為之滿即是澗也

晉書

陸機傳太安初成都王穎起兵討長沙王又假機後將軍河北大都督機始臨戎而矛旗折意甚惡之列

軍自朝歌至于河橋鼓聲聞數百里漢魏以來出師之盛未嘗有也長沙王又奉天子與機戰于鹿苑機軍大敗赴七里澗而死澗有石梁即旅人橋也昔孫登者如積焉水為之不流

不欲久居洛陽知楊氏榮不保終思欲遁跡林鄉隱

淪妄死

晉書楊駿傳駿徵高士孫登遺于布被登截被于門大呼曰斫斫刺刺旬日託疾死今云

妄即詐也朱據宋本改作忘死非是

楊駿埋之于此橋之東駿後尋亡

矣搜神記曰太康末京洛始為折楊之歌有兵革辛

苦之辭駿後被誅太后幽死折楊

原本漏

為之應也凡

是數橋皆累石為之亦高壯矣制作甚佳雖以時往

損功而不廢行旅朱超石與兄書云橋去洛陽宮六  
七里悉用大石下員以通水可受大舫過也奇制作  
疑當作制題其上云太康三年十一月初日就功用  
作奇巧

七萬五千人至四月末止此橋經破落復更修補今  
無復文字陽渠水又東流逕漢廣野君酈食其廟南  
廟在北山上成公綏所謂偃師西山也山上舊基尚  
存廟宇東面門有兩石人對倚北石人冑前銘云門  
亭長石人西有二石闕雖經頽毀猶高丈餘闕西即

廟故基也基前有碑文字剝缺不復可識子安仰澄

芬于萬古讚清微於廟像文字厥集矣

文字當作文載蓋成公子

安集中有酈生廟碑文也

陽渠又東逕亳殷南昔盤庚所遷改商

曰殷此始也班固曰尸鄉故殷湯所都者也

在今河南府城

西故亦曰湯亭薛瓚漢書注皇甫謐帝王世紀並以

為非以為帝嚳都矣晉太康地理記並言田橫死于

是亭故改曰尸鄉非也余按司馬彪郡國志以為春

秋之尸氏也其澤野負原夾郭多墳隴焉即陸士衡

會王輔嗣處也袁氏王陸詩叙機初入洛次河南之

偃師時忽結陰望道左右民居者

異苑作左右若有民居無者字按上

下文氣當作望道左有民居者因往投宿方順

因往退

異苑作投

宿見一少年姿

神端遠與機言玄機服其能而無以酬折

一作抗

前至

一辯文機

異苑有乃字

題緯古今綜檢名實此少年不甚

欣解將曉去稅駕逆旅嫗曰君何宿而來自東數十

里無村落上有山陽王家墓機乃怪悵還睇昨路空

野昏霾雲攢蔽日知所遇者審王弼也此山即祝雞



翁之故居也搜神記曰祝雞翁者洛陽人也居尸鄉  
北山下養雞百年餘雞至千餘頭皆有名字欲取呼  
之名則種別而至後之吳山莫知所去矣穀水又東  
逕偃師城南皇甫謐曰帝嚳作都于亳偃師是也王  
莽之所謂師氏者也穀水又東流注于洛水矣

甘水出弘農宜陽縣

今屬河南府

鹿蹄山

在今宜陽縣俗名非山

山在河南陸渾縣故城西北

陸渾今為河南府嵩縣故城在縣北三十里

俗謂之縱山水之所導發于山曲之中故世人目其

所為甘棠

何氏云舊本作甘棠固誤朱本改甘棠亦疑非是

馬

明一統志甘水在河南府

城西南四十里自宜陽縣西南流入本境下流入澗水水最甘美

東北至河南縣南北入洛

河南廢縣在府城唐苑內

甘水發源東北流北屈逕一故城東在非山上世謂

之石城也京相璠曰或云甘水西山上夢汁

疑有訛字脫文

而平

朱云夢汁當作廣澗

有故甘城在河南城西二十五里指

謂是城也余按甘水東一十許里洛城南有故甘城

焉北對河南故城世謂之鑿

一作鑿下同

洛城鑿甘聲相

近即故甘城也為王子帶之故邑矣是以昭叔有甘公之稱焉甘水又與非山水會水出非山東谷東流入于甘水甘水又于河南城西北入洛經言縣南非也故京相璠曰今河南河南縣西有甘水北入洛斯得之矣

漆水出扶風杜楊縣俞山

杜楊縣今為陝西鳳翔府麟遊縣

東北入于

渭

扶風今為陝西西安府永壽縣邠州漆縣及鳳翔府各縣地

山海經曰踰次之山漆水出焉北流注于渭蓋自北

而南矣尚書禹貢太史公禹本紀云導渭水東北至

涇又東逕

史記作過

漆沮入于河孔安國曰漆沮一名矣

朱箋當作漆沮二水名矣字衍

亦曰洛水也出馮翊北周太王去邠

度漆踰梁山止岐下故詩云民之初生自土沮漆又

曰率西水滸至于岐下是符禹貢本紀之說許慎說

文稱漆水出右扶風杜陽縣岐山東入渭從水染聲

又云一曰漆城池也潘岳關中記曰關中有涇渭灞

澹鄠鄠漆沮之水鄠鄠漆沮四水在長安西有渠縣

有渠二字似訛宋本作四水在長  
安西南鄠縣朱本作西有柒縣  
皆注鄠水北注

渭開山圖曰麗山西北有溫地  
朱箋溫地固訛吳瑄  
本改作溫池亦恐非

是蓋驪山湯泉又稱  
溫泉無作溫池也  
溫地西南八十里岐川在杜陵

埤宋本長安西有渠謂之柒  
漆同  
渠班固地理志

云柒水出柒縣西關駟十三州志又云漆水出漆縣

西北岐山東入渭今有水出杜陽縣岐山北柒溪謂

之柒渠西南流注岐水但川土奇異今說平出考之

經史各有所據識淺見浮無以辯之矣

澧水出京兆藍田谷北入于灊

澧水在今陝西西安府城東一十五里源出藍

田縣合金谷水北流入灊水

地理志曰澧水出南陵縣之藍田谷西北流與一水

合水出西南莽谷東北流注澧水澧水又北歷藍田

川北流注于灊水地理志曰澧水北至灊陵入灊水

沮水出北地直路縣東過馮翊祿祔縣北

今為西安府同官縣耀州

及延安府宜君縣等地東入于洛

地理志曰沮出畿縣西東入洛今水自直路縣東南

逕焦石山東南流歷檀臺川俗謂之檀臺水屈而來

山西流又西南逕宜君川世又謂之宜君水

在今廊州宜君

縣界縣北去廊州二百十里

又得黃嶽水口

水西北出雲陽縣石門山黃嶽谷東南流

注宜君水雲陽今淳化縣

水西北出雲陽縣

今為西安府淳化縣

石門山黃

嶽谷東南流注宜君水又東南流逕祿羽縣故城西

縣以

當從宋本作縣以水為名是

漢景帝二年置其水南合銅官

水

今同官縣北有銅官川水蓋即寰宇記所謂漆水也唐書神龍元年同官縣水溢漂居民五百餘家

太和三年同官暴水漂沒二百餘家

水出東北而西南逕銅官川謂之

銅官水又西南流逕祋裯縣東西南流逕其城南原

下而西南注宜君水宜君水又南出土門山西又謂

之沮水

山在今耀州東南四里

又東南歷土門南原下東逕懷

德城南

城在今富平縣西南非朝邑之懷德故城也

城在北原上又東逕

漢太上皇陵北

元和志漢太上皇陵在櫟陽縣東北二十五里今為臨潼縣地陵在

南原上沮水東注鄭渠昔韓欲令秦無東伐使水工

鄭國間秦鑿涇引水謂之鄭渠渠首上承涇水于中

山西瓠口所謂瓠中也爾雅以為周焦誤

宋本作獲矣渠



並北山東注洛三百餘里欲以溉田中作覺欲殺鄭

國曰

史記作中以溉田中作而

始臣為間然渠成亦

秦之利卒使就渠渠成而用注填闕之水溉澤鹵

史記

索隱云澤鹵一作烏鹵或作斤鹵貨殖傳

四萬餘頃

云營丘地瀉鹵徐廣注云瀉鹵鹹地也

史有收字皆畝一鍾關中沃野無復凶年秦以富強卒并

諸侯命曰鄭渠渠瀆東逕宜秋城北又東逕中山南

河渠書曰鑿涇水自中山而封禪書漢武帝獲寶鼎

于汾陰將薦之甘泉鼎至中氤氲有黃氣蓋焉徐廣

史記音義曰關中有中山非冀州者也指證此山俗  
謂之仲山非也鄭渠又東逕捨車官南絕治谷水鄭  
渠故瀆又東逕嶺嶺山南池陽縣故城北又東絕清  
水又東逕北原下濁水注焉自濁水以上無濁水疑有上下  
脫上承雲陽縣東大黑泉東南流謂之濁谷水又東

南出原注鄭渠又東歷原逕曲梁城北又東逕太上  
陵南原下北屈逕原東與沮水合分為二水一水東  
南出即濁水也至白渠與澤泉合俗謂之柒水又謂

之染沮水

漆本作染古泰字也澤泉水自鄭渠合沮水又直絕注濁水至白渠合焉故濁水得

漆沮絕白渠東逕萬年縣故城北為櫟陽渠

萬年故城即櫟

陽故城在今臨潼縣東北七十里

城即櫟陽宮也漢高帝葬皇考于

是縣起墳陵署邑號改曰萬年也地理志曰馮翊萬

年縣高帝置王莽曰黑

一作異

赤也故徐廣史記音義

曰櫟陽今萬年矣闕駟曰縣西有涇渭北有小河渭

疑作

此一作

渭水也其水又南屈更名石川水

括地志云沮水

一名石川水源出富平縣東南入櫟陽蓋即此與濁水合流者也

又西南逕郭狼城

西與白渠枝渠合又南入于渭水也

今濁水至三原縣界散絕白渠

亦不入富平縣境縣所恃以溉者惟石川水而已

其一水東出即沮水也東

與澤泉合水出沮東澤中與沮水隔原相去十五里

俗謂是水為渠水也南流逕薄昭墓南冢在北原上

又逕懷德城北東南注鄭渠合沮水

長安志云澤多泉在富平縣西

十三里東南入漆沮即此水也縣志謂之溫泉水云出縣西北仲山麓

又自沮直絕注

濁水至白渠合焉故濁水得染沮之名也沮循鄭渠

東逕當道城南

城在頻陽縣故城南頻陽故城在今富平縣東北五十里

城在

潁陽縣故城南潁陽宮也秦厲公置

古本脫秦厲二字吳本增入

城北有潁山山有漢武帝殿以石架之縣在山南故

曰潁陽也

古本俱作潁陽誤

應劭曰縣在潁水之陽今縣之

左右無水以應之所可當者惟鄭渠與沮水又東逕

蓮芍縣故城北

今渭南縣東北有蓮芍廢縣蓮音輦

十三州志曰縣以

草受名也沮水又東逕漢光武故城北又東逕粟邑

縣故城北

今白水縣界有粟邑故城

王莽更名粟城也後漢封騎

都尉耿夔為侯國其水又東北流注于洛水也

洛水在白

水縣  
東

禹貢錐指曰酈元以濁水為漆水宋人則以銅官川水來合沮水者為漆水近志皆承其說云沮水

出中部縣西北子午嶺

中部在延安府酈州南一百四十里本漢馮翊翟道

縣姚秦改置中部縣直路故城在焉唐屬坊州寰宇記云沮水自坊州昇平縣北子午嶺出俗號子

午水下合榆谷慈馬等州遂為沮水按昇平廢縣在今宜君縣西北三十五里沮水所經非所出也

子午山在 中部縣北亦曰子午嶺沮水出焉嶺綿亘慶陽延安二府之間其南麓抵縣界或云即橋

山也東南流逕宜君縣東北又東南逕同官縣西同官

在今耀州又南逕耀州西而東會漆水耀州在西安府北少

東一百六十里漆水出同官縣東北西南流至縣

城東北注于銅官水又西南至州南與沮水合寰

記云華原縣漆水自東北同官縣界來合沮水長

安志云漆水經華原縣界十五里南流合沮水入

富平縣界俗名石川水同官志云漆水在縣東北

五十里源出北高山以其地多漆木而名西南流

合銅官川水耀州志云沮水經州城西循西乳山

東會漆水漆水自同官縣西南流入州境尹師澗

水入焉又南經五臺山西至乳山與沮水合韓邦

奇曰嘗至同官縣見一大潭水湧出三面皆青石

山如壁立水流出東壑問其居人沮水又東南逕

曰漆潭正所謂自同官縣界來者

富平縣西南

今鄭渠堙廢沮水不復東入洛

又東南逕白水縣南

而東注于洛

白水縣在同州西北一百二十里白水即沮水今其水不至縣南之水乃

烏泥川之下流耳

然漆水原委宋人始言之他無所考據

也



水經注集釋訂訛卷十六